

Regionalna radionica o formuliranju politike i strategije za upravljanje radioaktivnim otpadom

Regionalna radionica o formuliranju politike i strategije za upravljanje radioaktivnim otpadom (Regional Workshop on Policy Formulation and Strategy Options for Radioactive Waste Management) je održana u periodu od 20. do 24. februara 2012, u sjedištu Međunarodne agencije za atomsku energiju – IAEA u Beču. Radionica je bila podjeljena na dva dijela: predavanja eksperata iz oblasti upravljanja radioaktivnim otpadom i rada u grupama s ciljem identificiranja nedostataka postojećih politika i strategija u državama prisutnih učesnika radionice.

Između ostalih, teme ekspertskih predavanja su bile: pregled pristupa IAEA pripremanju i razvoju nacionalnih politika i strategija upravljanja radioaktivnim otpadom (RWM), uloga i saradnja različitih institucija u pripremanju politika i strategija RWM, preduslovi za strategiju RWM, EU direktiva o upravljanju radioaktivnim otpadom i potrošenim nuklearnim gorivom, tehničke mogućnosti RWM, primjeri politike i strategije RWM u nekim evropskim državama.

Radne grupe na radionici su se sastojale od učesnika iz država sa sličnim programom korištenja radioaktivnih materijala i nuklearnih tehnologija. Na radionici je bilo 30 učesnika iz država članica tehničke kooperacije IAEA, odjel za Evropu, među kojima je bio i predstavnik Državne regulatorne agencije za radijacijsku i nuklearnu sigurnost.